

POZIV ZA ANGAŽOVANJE INDIVIDUALNOG KONSULTANTA

A. PODACI O POZICIJI

Naziv pozicije:	Konsultant za izradu Izvještaja o analizi trenutnog stanja i preporukama o načinu za intenzivnije uključivanje biznis sektora BiH u implementaciju Ciljeva održivog razvoja i Agende 2030.
Projekat/Program:	SDG Partnerstvo Bosne i Hercegovine i Švicarske
Lokacija:	Bosna i Hercegovina
Potreba putovanja	Da – unutar BiH
Oblast rada konsultanta:	Saradnja sa biznis sektorom
Vrsta ugovora:	Ugovor o autorskom djelu
Trajanje ugovora:	Jun – septembar 2024. (maksimalno 12 radnih dana)
Korisnici:	Interesorna radna grupa za praćenje implementacije Ciljeva održivog razvoja u BiH – SDG Savjet (Direkcija za ekonomsko planiranje Savjeta ministara BiH, Ministarstvo za evropske integracije i međunarodnu saradnju, Federalni zavod za programiranje razvoja Federacije BiH, Ministarstvo za evropske integracije i međunarodnu saradnju Republike Srpske, Vlada Distrikta Brčko)

B. OPIS PROJEKTA I SVRHA ANGAŽMANA

Bosna i Hercegovina (BiH) je izrazila opredijeljenost za implementaciju globalne Agende 2030 i Ciljeva održivog razvoja (SDG), koji se realizuju kroz **Okvir za implementaciju Ciljeva održivog razvoja u BiH** (Okvir SDG) koji je usvojilo Vijeće ministara BiH, kao i vlade Brčko Distrikta BiH (BD BiH), Federacije BiH (FBiH) i Republike Srpske (RS). Za potrebe praćenja napretka u realizaciji SDG Okvira, Savjet ministara BiH je imenovao **Interesornu radnu grupu za praćenje implementacije Ciljeva održivog razvoja u BiH – SDG Vijeće** (u daljem tekstu SDG Vijeće BiH).

Švicarska i Bosna i Hercegovina dijele zajedničke izazove upravljanja i implementacije Ciljeva održivog razvoja u kompleksno organizovanoj vladi. Efikasna koordinacija i harmonizacija implementacije SDG-a na svim nivoima vlasti i njegova lokalizacija na nivou zajednice su oblasti od zajedničkog interesa. Razmjenom svojih dobrih praksi i učenjem o uspjesima i neuspjesima jedne od druge, dvije zemlje mogu proširiti svoju bazu znanja, otvoriti se za nove i inovativne pristupe i na taj način potencijalno postati

efikasnije i djelotvornije u upravljanju procesima SDG-a i ubrzavanju implementacije SDG-a. U skladu s tim, SDG Vijeću BiH, od strane Ambasade Švicarske u BiH, ponuđen je **program SDG Partnerstvo između Bosne i Hercegovine i Švicarske.**

Svrha SDG partnerstva između BiH i Švicarske je da inspiriše intervencije održivog razvoja u različitim oblastima u dvije zemlje kroz razmjenu znanja, inovativnih pristupa, dobrih praksi i naučenih lekcija u oblasti upravljanja procesima SDG-a. Pošto su obje zemlje države sa decentralizovanim strukturama upravljanja, očekuje se da će modeli koji se primjenjuju za koordinaciju, integrisano planiranje i implementaciju Agende 2030 u dvije zemlje biti relevantni i replikativni za obje zemlje.

Predloženi konkretni rezultati SDG partnerstva su sljedeći:

1. Institucije zadužene za upravljanje Agendom 2030 u BiH i Švicarskoj uspostavljaju efikasne i efektivne mehanizme koordinacije za ispunjavanje svojih mandata;
2. Učesnici javnog, privatnog i civilnog sektora iz BiH i Švicarske uspostavljaju partnerstva za lokalizaciju SDG-a na podnacionalnim nivoima;
3. Stanovništvo u BiH je svjesnije o važnosti Agende 2030 i rezultata njene implementacije.

Inicijalna faza programa, koja traje do kraja 2024. godine, između ostalog obuhvata i aktivnost pripreme izvještaja sa analizama trenutnog stanja i preporukama za konsultacije i dalje angažovanje u cilju bolje i efikasnije implementacije SDG i Agende 2030. Izvještaji trebaju biti pripremljeni za četiri tematske oblasti: (1) učešće i suradnja sa civilnim sektorom, (2) saradnju sa akademskom zajednicom, (3) saradnja sa biznis sektorom, (4) saradnja sa kantonima/jedinicama lokalne samouprave i lokalizacija procesa;

Kako bi pomogli implementaciji programa i podržali aktivnosti iz Inicijalne faze projekta, Ambasada Švicarske u BiH angažovala je **NVO Institut za razvoj i evropske integracije (IREI)** za administriranje programskih aktivnosti za potrebe SDG Vijeća BiH tj. institucija čiji su predstavnici imenovani u SDG Vijeće. Takođe, IREI je zadužen za pripremu javnih poziva i angažovanje konsultanata.

Svrha angažmana konsultanata je da podrži aktivnost broj 2. Inicijalne faze programa SDG Partnerstva između BiH i Švicarske kroz izradu **Izvještaja o analizi trenutnog stanja i preporukama o načinu za intenzivnije uključivanje biznis sektora BiH u implementaciju Ciljeva održivog razvoja i Agende 2030.**

Prilikom izrade pomenute analize, neophodno je voditi računa o nadležnostima pojedinih nivoa vlasti u ovom sektoru kao i o koherentnosti sa sličnim aktivnostima koje SDG Vijeće vodi sa drugim razvojnim partnerima.

C. ZADACI I OBAVEZE KONSULTANTA

Od angažovanog konsultanta se očekuje da izradi Izvještaj o analizi trenutnog stanja i preporukama o načinu za intenzivnije uključivanje biznis sektora BiH u implementaciju Ciljeva održivog razvoja i Agende

Analizu o trenutnom stanju i načinima za intenzivnije uključivanje biznis sektora u implementaciji Ciljeva održivog razvoja u BiH kroz metodološko vođenje, analizu podataka, fasilitiranje sastanaka, prerade i osiguranje kvaliteta relevantnih dijelova Analize, u skladu sa postojećim ustavnim i zakonskim okvirom. Ove aktivnosti konsultant će obavljati u bliskoj saradnji sa SDG Vijećem i IREI-em. Specifičnije pojašnjeno, od konsultanta se očekuje izvršenje sljedećih zadataka:

- a. Mapiranja relevantnih aktera, politika i publikacija;
- b. Mapiranje potencijalnih partnerskih organizacija i kompanija u Švicarskoj;
- c. Prikupljanje trenutno dostupnih informacija o aktivnostima identificiranih aktera;
- d. Prikupljanje mišljenja sa terena na osnovu sastanaka sa odabranim predstavnicima biznis sektora u Federaciji BiH, Republici Srpskoj i Brčko Distriktu, kao i sa drugim relevantnim organizacijama i institucijama u BiH sa kojima taj sektor saraduje;
- e. Prikupljanje, na osnovu inputa od strane relevantnih partnera iz Švicarske, primjera dobre prakse o radu biznis sektora u implementaciji Ciljeva održivog razvoja u Švicarskoj;
- f. Sumiranje i analiza svih prikupljenih informacija iz dokumenata i iz kontakata na terenu;
- g. Definisanje konkretnih preporuka kako, u toku implementacije partnerstva između BiH i Švicarske, poboljšati i ojačati učešće biznis sektora u cilju efikasnije i kvalitetnije realizacije Ciljeva održivog razvoja i Agende 2030.

Predviđeno je da ovaj zadatak bude realizovan u periodu jun – septembar 2024. godine, s tim da broj radnih, ekspertskih dana ne prelazi 12 dana.

SDG Vijeće BiH će pomno koordinisati i pratiti sva organizaciona i metodološka pitanja dok će logistiku za uspješno obavljanje zadataka i fasilitiranje komunikacije između angažovanog konsultanta vršiti IREI.

Konsultant će biti odgovoran za svoje putne aranžmane.

Cjelokupna usluga će biti isporučena na jednom od B/H/S jezika.

D. ISPORUKE/ OUTPUT-i

#	Isporuke/Output-i	Broj dana po zadatku	Krajnji rok
1.	Uvodni razgovori sa SDG Vijećem i IREI	½ radnog dana	Sredina juna 2024.
2.	Desk istraživanje <ul style="list-style-type: none">• Mapiranja relevantnih aktera, politika i publikacija koje definišu aktivnosti i ulogu biznis sektora u ekonomskim i društvenim procesima;• Istražiti dosadašnje modele saradnje vlada, drugih institucija i interesornih radnih grupa sa biznis sektorom.	2 i ½ radnih dana	Kraj juna 2024.
3.	Posjeta i prikupljanje mišljenja u minimalno deset (10) relevantnih firmi sa cijele teritorije BiH. Napomena: Izbor predstavnika biznis sektora sa kojima će konsultant razgovarati biće urađen u dogovoru sa SDG Vijećem.	2 radna dana	Kraj jula 2024.
4.	Priprema nacрта Analize Analiza mora da sadrži sledeće: <ul style="list-style-type: none">• Trenutno stanje učešće biznis sektora po pitanju implementacije SDG;• Željeno stanje po pitanju saradnje biznis sektora sa svim nivoima vlasti i ostalim akterima u BiH koji rade na implementaciji SDG kao i po pitanju korištenja resursa koji su dostupni kroz partnerstvo između BiH i Švicarske;• Preporuke za unapređenje stanja i jačanja uloge biznis sektora na implementaciji SDG kao i mogućosti uspostavljanja jačih veza za saradnju biznis sektora kroz program saradnje sa Švicarskom.	5 radnih dana	Sredina avgusta 2024.

5.	Radionica/sastanak sa SDG Vijećem BiH o nacrtu Analize <ul style="list-style-type: none"> • Zakazivanje i dostavljanje nacrtu Analize putem IREI-a članovima SDG Vijeća BiH najmanje deset (10) dana prije održavanja sastanka. • Moderiranje radionice/sastanka sa članovima SDG Vijeća i predstavljanje nacrtu Analize 	1 radni dan	Kraj avgusta 2024.
6.	Korekcije i finaliziranje Izvještaja o analizi	1 radni dan	Sredina septembra 2024.

E. KVALIFIKACIJE

- **Akadske kvalifikacije**

Univerzitetska/fakultetska diploma društvenih nauka ili druge relevantne oblasti. Viša akademska zvanja smatraće se kao prednost.

- **Iskustvo**

Najmanje 5 godina konsultantskog iskustva u oblastima dostizanja SDGs (ili MDGs), razvojne saradnje, kreiranje javnih politika i rada sa poslovnom zajednicom.

- **Jezik**

Tečno poznavanje engleskog jezika i službenih jezika u Bosni i Hercegovini (B/H/S).

- **Druge kvalifikacije**

- Iskustvo u analizi politika, strateškom planiranju i istraživanju, mobilizaciji i angažmanu u zajednici i/ili biznis sektoru;
- Jaka konceptualna i istraživačke/analitičke vještine sa sposobnošću analize podataka i informacija iz različitih izvora i izradi koherentnog dokumenta/analize;
- Izuzetne pismene i usmene komunikacijske vještine, međuljudske i vještina uspostavljanja veza kao i sposobnost da prenosi svoje ideje i zahtjeve jasnim, direktnim i prihvatljivim stilom;

- Sposobnost samostalnog rada, rada pod pritiskom i sposobnost prilagodbe izazovima kako bi isporučio visokokvalitetne rezultate svog rada u zacrtanom vremenskom roku;
- Posjedovanje dobrih organizacionih sposobnosti, kreativnosti i inovativnosti;
- Znanje i iskustvo rada sa drugim organizacijama uključujući i međunarodne organizacije;
- Iskustvo u uređivanju i lektorisanju pripremljenih dokumenata;
- Odlične interpersonalne vještine i fleksibilan stav koji uvažava i mišljenja ostalih učesnika u projektnim aktivnostima.